

БӨЛІМ: БАЛАБАҚША

Үй жануарлары

ЖАРИЯЛАНДЫ
24.10.2018СІЛТЕМЕ
<https://bilimger.kz/53441/>

АННОТАЦИЯ / АҢДАТПА

Білім беру аймағы: Таным

Бөлім: Қоршаған ортамен таныстыру

Апталық тақырыбы: Үй жануарлары.

Мақсаты: Балаларға үй жануарларының неліктен үй жануарлары деп атауын түсіндіру, олардың аттарын дұрыс атап, төлдерінің дыбыстарын ажырата білуге үйрету. Жануарлар жөнінде өлеңдер, тақпақтар, жұмбақтарды мәнерлеп жатқа айту арқылы тілдерін дамыту.

Көрнекілік: Төлдердің суреттері және бетперделері

Сабақтың әдіс — тәсілдері: Әңгімелесу, көрсету, түсіндіру. Жануарлар туралы өлең, тақпақ, мақал — мәтел айту, жаттау, жұмбақ шешу

Тәрбиешінің іс — әрекеті:

Қошақаны қойдың,

Қайда қалып қойдың?

Бұлтиып бір бүйірің,

Қай өрістен тойдың?

Секең, секең ей лақ,

Жүрмін саған кейіп — ақ.

Тыным тапсаң болмай ма?

Секеңдемей бір уақ.

Ботақаны нардың ,

Жарға неге бардың.

Тілерсегің дірілдеп,

Секіре алмай қалдың, -деп тәрбиеші айтқан кезде балалар қимыл — қозғалыстарымен көрсетеді.

Негізгі бөлім:

Тәрбиеші: — Балалар бүгінгі сабақта үй жануарлары туралы әңгімелесеміз, қане тақтаға қараңдаршы ненің суретін көріп отырсыңдар, бұл төрт түлік малдардың суреттері. Мынау ненің суреті?

Балалар: Мынау сиырдың суреті.

Тәрбиеші: Дұрыс айтасыңдар. Ал сиырдың төлін қалай атайсыңдар?

Балалар: Сиырдың төлі бұзау.

Тәрбиеші: Дұрыс бұлар қалай дыбыс шығарады?

Балалар: Мө — мө — мө деген дыбысы бар. Ол мөңірейді.

Тәрбиеші: Сиыр бізге не береді?

Балалар: Сиыр сүт береді.

Тәрбиеші: Сүттен не жасаймыз?

Балалар: Айран, құрт жасаймыз.

Тәрбиеші: Сиыр не жейді?

Балалар: Сиыр шөп, жем жейді, су ішеді.

Тәрбиеші: Сиырды қалай шақырамыз?

Балалар: Аухау, аухау деп шақырады (хормен айтады).

Тәрбиеші: Ал мына суретте не көріп тұрсыңдар?

Балалар: Қойдың суретін көріп тұрмыз.

Тәрбиеші: Қой қалай дыбыстайды?

Балалар: Қой маңырайды, мә, мә, мә, мә деді.

Тәрбиеші: Ал қойдың төлін қалай атайсыңдар?

Балалар: Қозы, қошақан, деп атаймыз.

Тәрбиеші: Балалар мына суретте не көріп тұрсыңдар?

Балалар: Ешкінің суретін көріп тұрмыз.

Тәрбиеші: Дұрыс айтасыңдар, басында несі бар?

Тәрбиеші:

— Олар қайда тұрады?

Балалар:

— Қорада, үйде, фермада.

Оларды неге үй жануарлары дейді?

— Дұрыс, өйткені олар адамдардың маңайында, аулада тіршілік етеді екен.

Жақсы, балалар ендеше осы үй жануарлары туралы қандай тақпақтар білесіңдер?

Аяна: Түйе сүйеді баласын

«Боташым» — деп.

«Жаудыраған көзіңнен

Тоташым» — деп.

Аяна: Түйе сүйеді баласын

«Боташым» — деп.

«Жаудыраған көзіңнен

Тоташым» — деп.

Нұрдана Н :Ешкі сүйеді баласын

«Лағым» — деп.

«Тастан-тасқа секірген

Шұнағым» — деп.

Нұрасыл:Жылқы сүйеді баласын

«Құлыным» — деп.

«Тұлпар болып жүгірер

Жұлыным» — деп.

Аружан: Сиыр сүйеді баласын

«Торпағым» — деп.

«Қараңғыға баспаған

Қорқағым» — деп.

Нұрдана С : Қой сүйеді баласын

«Қоңырым» — деп.

«Ештеңені білмейтін

Момыным» — деп.

Даян: Салбыраған әукесі,

Мұңды жердің еркесі.

Зеңгі баба баласы,

Сиыр деген – мен болам.

Бекарыс: Мал өсірсең ,қой өсір,

Өнімі оның көл-көсір.

Асылжан: Сиырды теппейді,

Сүтті төкпейді.

Ерасыл: Құнан атқа жеткізер.

Ат мұратқа жеткізер.

Айша: Кішкене ғана бойы бар,

Айналдырып киген тоны бар. (қой)

Нұрилла: Таптым, таптым, тап жорға,

Табаны жалпақ боз жорға. (түйе)

Тәрбиеші:

— Өте жақсы балалар онда біз бүгін ойын ойнап көрейік. Ойынның аты «Төлдерін тап» деп аталады (бейне ролик көрсетіледі).

Сергіту жаттығуы: Қошақаным.

«Үлкен — кіші» дамытушы ойыны:

Сиыр қандай?

Бұзау қандай?

Ол қалай дыбыс шығарады?

Жылқы қандай?

Құлын қандай?

Ол қалай дыбыс шығарады?

Рефлексивті – қорытындылау:

— Балалар, бүгін біз қандай жануарлармен таныстық?

— Неге оларды үй жануарлары деп атайды екенбіз?

— Үй жануарлардың төлдерін қалай атайды?

— Үй жануарлары қалай дауыстайды?

— Адамдарға қандай пайдасы, беретін өнімі бар?

Сабаққа жақсы қатысқан балаларды бағалау. Мақтап — мадақтау.

Күтілетін нәтиже:

Білу керек: Үй жануарларын ажыратып, төлдерін білу керек. Қойылған сұрақтарға толық, әрі нақты жауап бере білу керек.

Болу керек: Қызығушылықтары, ынталары болу керек.

Істей білу керек: Үй жануарларын дала жануарларынан ажыратып, бөлек жинай білу керек.

Байділда Гүлзада Құлшыққызы

«Аққайың» бөбекжайының тәрбиешісі

Ырғыз ауданы

Ақтөбе облысы

КМ АА Куәлік нөмірі: **KZ45VPY00102718** — ҚР Мәдениет және Ақпарат министрлігі

© 2026 **Bilimger.kz** Ақпараттық-танымдық білім порталы. Барлық мазмұн авторлық құқықпен қорғалған.